



Број: 01/4-50-3-4-7/15  
Сарајево, 20.5.2015.

## Z A P I S N I K

### **7. sjednice Komisije za finansije i budžet Predstavničkog doma Parlamentarne skupštine BiH, održane 11.5.2015., od 11,00 do 13,40 sati.**

Sjednici Komisije prisustvovali su članovi: Predrag Kožul, Salko Sokolović, Nenad Lalić, Mirsad Isaković, Aleksandra Pandurević, Damir Bećirović i Jasmin Emrić.

Opravdano su odsustvovali Dušanka Majkić i Amir Fazlić.

Sjednici su također prisustvovali: Vjekoslav Bevanda, ministar, Sanja Jokić, sekretar Ministarstva finansija i trezora BiH, Kemal Kozarić, guverner Centralne banke BiH, Hajrudin Lagumdžija, pomoćnik direktora Uprave za indirektno oporezivanje BiH, Admir Ćebić, pomoćnik direktora Agencije za javne nabavke BiH, Maja Ribar, savjetnica u Delegaciji EU/EUSR, Christian Haupt, direktor, Samir Mušović, savjetnik, Elma Muratović, saradnica, Aleksandar Paleksić, saradnik, Karlo Holub, saradnik u projektu USAID SGIP, Nejra Neimarlija - Roić, saradnica Instituta za razvoj mladih KULT, Zoran Brkić, viši stručni saradnik za informisanje u Sektoru za odnose s javnošću Sekretarijata PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija: Anja Grabovac, novinarka Oslobođenja, Aida Salčinović, novinarka FTV, Snežana Samardžija, novinarka SRNE, Aida Kovač, novinarka FENE, Željka Domazet, novinarka Glasa Srpske, i Amina Demić, novinarka ALFA TV.

Sjednicom je predsjedavao Salko Sokolović, prvi zamjenik predsjedavajućeg Komisije.

Za sjednicu je predložen sljedeći

### **DNEVNI RED**

1. Usvajanje Zapisnika 6. sjednice Komisije;
2. Izbor predsjedavajućeg Komisije za finansije i budžet Predstavničkog doma Parlamentarne skupštine BiH;
3. Razmatranje Prijedloga zakona o Budžetu institucija BiH i međunarodnih obaveza BiH za 2015. godinu – prva komisijska faza (predlagač: Predsjedništvo BiH);

4. Razmatranje Izvještaja o radu Vijeća ministara BiH za 2014. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za sljedeće institucije:
  - Ministarstvo finansija i trezora BiH;
  - Upravu za indirektno oporezivanje BiH;
  - Agenciju za javne nabavke BiH.
5. Razmatranje Godišnjeg izvještaja i Finansijskih izvještaja Centralne banke BiH za 2014. godinu (sačinilac: Centralna banka BiH).

Prvi zamjenik predsjedavajućeg Komisije predložio je da se 5. tačka dnevnog reda: Razmatranje Godišnjeg izvještaja i Finansijskih izvještaja Centralne banke BiH za 2014. godinu razmatra kao 3. tačka dnevnog reda.

Kako nije bilo drugih primjedbi na predloženi dnevni red, predsjedavajući Komisije zatražio je da se članovi Komisije izjasne o prijedlogu, te je konstatirao da je jednoglasno prihvaćena predložena korekcija dnevnog reda sjednice Komisije.

Zatim je zatražio da se članovi Komisije izjasne o izmijenjenom dnevnom redu, te konstatirao da je jednoglasno usvojen sljedeći

### **DNEVNI RED**

1. Usvajanje Zapisnika 6. sjednice Komisije;
2. Izbor predsjedavajućeg Komisije za finansije i budžet Predstavničkog doma Parlamentarne skupštine BiH;
3. Razmatranje Godišnjeg izvještaja i Finansijskih izvještaja Centralne banke BiH za 2014. godinu (sačinilac: Centralna banka BiH).
4. Razmatranje Prijedloga zakona o Budžetu institucija BiH i međunarodnih obaveza BiH za 2015. godinu – prva komisijska faza (predlagač: Predsjedništvo BiH);
5. Razmatranje Izvještaja o radu Vijeća ministara BiH za 2014. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za sljedeće institucije:
  - Ministarstvo finansija i trezora BiH;
  - Upravu za indirektno oporezivanje BiH;
  - Agenciju za javne nabavke BiH.

#### **Ad.1. Usvajanje Zapisnika 6. sjednice Komisije**

Zapisnik 6. sjednice Komisije za finansije i budžet usvojen je jednoglasno bez primjedbi.

#### **Ad. 2. Izbor predsjedavajućeg Komisije za finansije i budžet Predstavničkog doma Parlamentarne skupštine BiH**

Prvi zamjenik predsjedavajućeg Komisije za finansije i budžet Predstavničkog doma PSBiH Salko Sokolović predložio je da se na mjesto predsjedavajućeg Komisije imenuje Predrag Kožul.

Potom je otvorena rasprava u kojoj su učestvovali Salko Sokolović i Mirsad Isaković.

Nakon rasprave, Komisija je, sa šest glasova „za“ i jednim glasom „protiv“, izabrala Predraga Kožula na mjesto predsjedavajućeg Komisije za finansije i budžet

Predstavničkog doma Parlamentarne skupštine BiH, nakon čega je Pregrad Kožul preuzeo predsjedavanje Komisijom.

### **Ad.3. Razmatranje Godišnjeg izvještaja i Finansijskih izvještaja Centralne banke BiH za 2014. godinu (sačinilac: Centralna banka BiH)**

Godišnji izvještaj i Finansijske izvještaje Centralne banke BiH za 2014. godinu obrazložio je Kemal Kozarić, guverner Centralne Banke BiH.

Potom je predsjedavajući Komisije Predrag Kožul otvorio raspravu u kojoj su učestvovali Mirsad Isaković, Predrag Kožul i Kemal Kozarić, guverner Centralne banke BiH.

Nakon rasprave Komisija je jednoglasno prihvatila Godišnji i Finansijske izvještaje Centralne banke BiH za 2014. godinu.

### **Ad.4. Razmatranje Prijedloga zakona o Budžetu institucija BiH i međunarodnih obaveza BiH za 2015. godinu – prva komisijska faza (predlagač: Predsjedništvo BiH)**

Prijedloga zakona o Budžetu institucija BiH i međunarodnih obaveza BiH za 2015. godinu obrazložio je Vjekoslav Bevanda, ministar Ministarstva finansija i trezora BiH.

Potom je predsjedavajući Komisije otvorio raspravu u kojoj su učestvovali: Jasmin Emrić, Mirsad Isaković, Aleksandra Pandurević, Damir Bećirović, Salko Sokolović i Vjekoslav Bevanda, ministar Ministarstva finansija i trezora BiH.

Nakon rasprave Komisija je, sa šest glasova „za“ i jednim „suzdržanim“ glasom, prihvatila Prijedlog zakona o Budžetu institucija BiH i međunarodnih obaveza BiH za 2015. godinu u prvoj komisijskoj fazi.

### **Ad.5. Razmatranje Izvještaja o radu Vijeća ministara BiH za 2014. godinu u dijelu nadležnosti Komisije za finansije i budžet Predstavničkog doma Parlamentarne skupštine BiH, i to za sljedeće institucije:**

- Ministarstvo finansija i trezora BiH;**
- Upravu za indirektno oporezivanje BiH;**
- Agenciju za javne nabavke BiH.**

#### **a) Izvještaj o radu Ministarstva finansija i trezora BiH za 2014. godinu**

Izvještaj o radu Ministarstva finansija i trezora BiH za 2014. godinu obrazložila je Sanja Jokić, sekretar Ministarstva finansija i trezora BiH.

Nakon rasprave u kojoj su učestvovali Predrag Kožul i Jasmin Emrić, Komisija je, s tri glasa „za“, dva glasa „protiv“ i jednim glasom „suzdržan“, prihvatila Izvještaj o radu Ministarstva finansija i trezora BiH za 2014. godinu.

#### **b) Izvještaj o radu Uprave za indirektno oporezivanje BiH za 2014. godinu**

Izvještaj o radu Uprave za indirektno oporezivanje BiH za 2014. godinu obrazložio je Hajrudin Lagumdžija, pomoćnik direktora Uprave za indirektno oporezivanje BiH.

Potom je otvorena rasprava u kojoj su učestvovali: Predrag Kožul, Aleksandra Pandurević, Damir Bećirović, Jasmin Emrić, Salko Sokolović i Hajrudin Lagumdžija, pomoćnik direktora Uprave za indirektno oporezivanje BiH.

Nakon rasprave Komisija, s jednim glasom “za”, pet glasova “protiv” i jednim glasom “suzdržan”, nije prihvatila Izvještaj o radu Uprave za indirektno oporezivanje BiH za 2014. godinu.

Komisija je potom jednoglasno usvojila i sljedeće zaključke:

1. Komisija za finansije i budžet Predstavničkog doma traži od Uprave za indirektno oporezivanje BiH da u najkraćem roku dostavi detaljan izvještaj o povratu PDV-a za 2014. godinu po regionalnim centrima Uprave, s navođenjem svih subjekata kojima je vraćen PDV u iznosu većem od 50.000 KM.
2. Komisija za finansije i budžet Predstavničkog doma traži od Uprave za indirektno oporezivanje BiH da u najkraćem roku dostavi informaciju o provođenju NCTS projekta, koji se odnosi na nabavku odgovarajuće opreme i razvoj vlastite informatičke aplikacije.
3. Komisija za finansije i budžet Predstavničkog doma traži od Uprave za indirektno oporezivanje BiH da u najkraćem roku dostavi detaljnu informaciju o problemima koje Uprava ima u realizaciji osiguranih sredstava namijenjenih za kapitalna ulaganja (izgradnja regionalnih centara Uprave) s prijedlogom mjera kojima bi se otklonile nastale teškoće.

#### **c) Izvještaj o radu Agencije za javne nabavke BiH za 2014. godinu**

Izvještaj o radu Agencije za javne nabavke BiH za 2014. godinu obrazložio je Admir Ćebić, pomoćnik direktora Agencije za javne nabavke BiH.

Potom je Komisija, s jednim glasom “za” i pet glasova “suzdržan”, prihvatila Izvještaj o radu Agencije za javne nabavke BiH za 2014. godinu.

#### **Ad.6. Tekuća pitanja**

##### **a) Upoznavanje s prijedlogom za održavanje orijentacionog seminara za članove Komisije u saradnji s projektom USAID SGIP**

Direktor projekta USAID SGIP Christian Haupt upoznao je članove Komisije s prijedlogom za održavanje orijentacionog radnog seminara.

Potom je Komisija zadužila Ured sekretara Komisija za finansije i budžet da u dogovoru s članovima Komisije i osobljem projekta USAID SGIP usaglasi vrijeme i mjesto održavanja orijentacionog radnog seminara.

**Sekretar Komisije**  
Željko Kosmajac

**Predsjedavajući Komisije**  
Predrag Kožul

Prilog: Neautorizirani transkript 7. sjednice Komisije za finansije i budžet PDPSBiH.